

COMUNICADO || CENTROS EDUCATIVOS DE VERÍN

Venres, 22 Xaneiro 2021 11:22



Verín, 21 de xaneiro de 2021

Prezadas familias,

O pasado fin de semana acadouse un máximo histórico de contaxios na nosa comarca. A incidencia da curva de contaxios vese reflectida nos centros educativos cun incremento de ausencias debidas a situacions de coarentena e todo parece indicar que as vindeiras semanas poden ser moi significativas.

As direccións dos centros educativos da localidade decidimos elaborar o presente documento para facer un chamamento de máxima responsabilidade a tódalas familias de xeito que se extremen ao máximo tódalas precaucións.

No primeiro trimestre o esforzo feito por toda a comunidade educativa obtivo a súa recompensa. As medidas adoptadas nos centros funcionaron e puideremos facer o noso traballo de xeito presencial, sendo este o tipo de ensino que todas e todos queremos: profesorado, alumnado e familias. A día de hoxe, as aulas, os corredores e os patios dos colexios e dos institutos son os poucos lugares onde a rapazada pode socializar cos do seu igual, vital para estas idades. A educación presencial nos centros permite desenvolver a labor docente non só para abordar contidos da maneira máis eficaz senón tamén para traballar nos eidos emocional e social tan necesarios nestes tempos. Garantir a educación presencial é fundamental para as familias, por un lado porque tódalas nais e pais queredes o mellor para as vosas filhas e os vosos fillos, pero por outro lado, facilita a conciliación familiar e posibilita que a asistencia aos postos de traballo se faga con normalidade.

Agradecemos a toda a comunidade educativa, nomeadamente ás familias, a súa implicación e o seu esforzo aportados ata agora, o que nos levou a acadar que os centros educativos sexan lugares seguros na medida do posible, porén, queremos insistir na necesidade de extremar as precaucións. Calquera acción que poña implicar contaxio, na situación epidemiolóxica na que nos atopamos, pode ter consecuencias severas para os centros educativos e provocar o peche de aulas dun dia para outro. Os plans de continxencia que temos aprobados lanzarán a aplicación dun ensino virtual baixo uns horarios determinados e cunha estrutura na que vivimos traballando desde o inicio de curso seguindo as instrucións da Consellería. Pero a aplicación destes plans, sen dúbida, alterará as conciliaciones, as asistencias aos traballo podendo afectar ás nosas economías, con frecuencia xa danadas debido á pandemia.

Toda a comunidade educativa debe ir na mesma dirección e non podemos baixar a garda. Debemos insistir en que ningúen pode acudir a un centro educativo con síntomas asociados á COVID19. E por suposto, non está demais advertir que os casos con sintomatoloxía asintomática detectada ou de coarentenas preventivas, xamais deben acudir ao centro educativo ata que teñan a alta médica. Eses supostos que estarían incumprindo as normas sanitarias e a prevención da transmisión da COVID19 incorrerían nun delito de lesións por imprudencia ou negligencia graves (a causa do contaxio poden levar asocidadas penas de prisión e sancións económicas) poniendo en perigo aos nosos seres queridos, moitas veces vulnerables e que están facendo grandes esforzos para non caer enfermos.

Os abajo assinantes queremos ter centros seguros, é responsabilidade de todas e de todos, das familias donde os fogares, ata ás direccións dende os centros educativos. Estamos convencidos de que as nosas comunidades educativas seguirán a dar un bo exemplo a toda a sociedade.

Molitas grazas polo voso apoio e colaboración.



Ante a grave situación de emerxencia sanitaria provocada pola Covid-19 que estamos a vivir, os directores dos centros educativos de Verín veñen de asinar o seguinte comunicado